

Javni poziv za iskazivanje interesa za provođenje jednodnevnih obuka

Udruženje Žene za žene International (ZZI), u okviru projekta „**Towards equality: Women and citizens in action for more inclusive societies in Bosnia and Herzegovina and Eastern Europe**“ koji se realizuje u saradnji sa partnerskom organizacijom Empow'Her Global, a uz podršku Francuske razvojne agencije (AFD), raspisuje javni poziv za iskazivanje interesa za provođenje obuka iz različitih oblasti, sa fokusom na poduzetništvo.

Svrha i ciljna grupa

Svrha jednodnevnih obuka je jačanje kapaciteta poduzetnica i žena koje žele raditi na izgradnji vlastitih kompetencija iz oblasti poduzetništva.

Opis zadatka

Treneri/ice koji iskažu interes za poslovnu saradnju će na osnovu predloženog koncepta realizovati obuke u prostorijama organizatora u Sarajevu (ul.Ferhadija 19/2). Logističku i tehničku podršku osigurava organizator. Obuke su jednodnevne te u prosjeku traju 4 sata bez pauza u vremenskom periodu kojeg određuje organizator, dok se termini mogu dogovoriti između organizatora i trenera.

Zainteresovani **kandidati/kinje (ponuđači)** trebaju u pismu interesa navesti za koje teme i obuke se prijavljuju, sa time da se mogu prijaviti na **maksimalno 5 tema**.

Od trenera/ice se očekuje da obavi sljedeće zadatke:

1. Pripremi materijal za obuku
2. Realizuje obuku
3. Izradi izvještaj

Vrsta ugovora

Za fizička lica: Ugovor o djelu

Za pravna lica: Ugovor o poslovnoj saradnji i faktura o izvršenoj usluzi

Budžet

Naknada za trenere/ice po jednoj obuci tj.temi je 380 KM bruto za pripremu, izvođenje obuke i pisanje izvještaja.

U nastavku su teme jednodnevnih obuka, a koje su proizašle iz Studije o rodnoj ravnopravnosti i poduzetništvu žena u Bosni i Hercegovini koja je provedena u okviru gore navedenog projekta, a koja je dostupna na sljedećem linku: <https://sisther.zenezazene.ba/2025/03/06/studija-o-rodnoj-ravnopravnosti-i-poduzetnistvu-zena-u-bosni-i-hercegovini/>

Teme/obuke:

1. Finansijsko poslovanje (upravljanje rizicima, finansijsko planiranje, upravljanje novcem i likvidnošću)

Ova tema se odnosi na ključne aspekte u upravljanju finansijama, uključujući identifikaciju i minimiziranje finansijskih rizika, izradu planova za buduće finansijske ciljeve, te efikasno upravljanje novčanim tokom i likvidnošću kako bi se osigurala stabilnost i rast poduzeća.

2. Upravljanje biznisom

Tema obuhvata sve aspekte vođenja poduzetničkog poslovanja, od organizacije rada, upravljanja zaposlenima, strategije poslovanja, donošenja odluka do svakodnevnog upravljanja resursima i operacijama kako bi poduzetnica postigla dugoročni uspjeh.

3. Finansijske analize

U okviru ove teme poduzetnice se upoznaju sa različitim finansijskim alatima i analizama, kao što su bilanci stanja i uspjeha, izvještaji o dobitku i gubitku, analiza novčanog toka kako bi ocijenile finansijsko stanje i donosile informisane poslovne odluke.

4. Osnivanje biznisa – pravna regulativa (proces registracije, propisi specifični za djelatnosti, zatvaranje biznisa)

Ova tema obuhvata pravne aspekte osnivanja i vođenja poduzetničkih aktivnosti, uključujući proces registracije obrta ili društva s ograničenom odgovornošću, pridržavanje specifičnih propisa za različite djelatnosti, kao i pravne procedure u slučaju zatvaranja ili likvidacije poduzeća.

5. Porezni sistem za poduzetnice

Ova tema se fokusira na razumijevanje poreznih obaveza koje poduzetnice imaju, uključujući PDV sistem.

6. Lični rast i razvoj (mentalno zdravlje, balans privatnog i poslovnog života, emocionalna inteligencija)

U okviru ove teme fokus je na važnosti mentalnog zdravlja i ličnog razvoja poduzetnica, uključujući upravljanje stresom, održavanje balansa između privatnog i poslovnog života, te razvoj emocionalne inteligencije koja je ključna za efikasno vođenje tima i komunikaciju.

7. Pristup tržištima (širenje i ulazak na bh. i strana tržišta)

Tema podrazumijeva strategije ulaska na nova tržišta, kako lokalna (Bosna i Hercegovina), tako i međunarodna. Ovdje će biti ključno adresirati ekonomsko-pravne aspekte plasiranja proizvoda na lokalno ili EU tržište, te mogućnosti za izvoz i procedure.

8. Alternativni pristupi finansiranju (apliciranje na različite javne pozive lokalnih institucija i međunarodnih organizacija, grantovi, crowdfunding)

Na ovo obuci bit će važno razmotriti različite načine finansiranja poduzetničkih ideja, uključujući apliciranje na javne pozive, konkurse za grantove, crowdfunding platforme i druge alternativne izvore finansiranja koji mogu pomoći u razvoju poslovanja.

9. Digitalna transformacija za poduzetnice (uvodenje web shopa, digitalnih alata za praćenje poslovanja itd.)

Na ovoj obuci potrebno se fokusirati na upotrebu digitalnih alata i tehnologija u poslovanju, uključujući izradu i upravljanje web shopom, korištenje softverskih alata za upravljanje zalihama, prodajom, marketingom i finansijama, kako bi se unaprijedila efikasnost i konkurentnost. Obuka može biti korisna za poduzetnice

10. Računovodstvo za poduzetnice (obrti)

Ova tema podrazumijeva upoznavanje poduzetnica sa osnovnim principima vođenja knjiga, izradu finansijskih izvještaja, praćenje poslovnih troškova i prihoda te pripremu poreznih prijava, za poduzetnice koje imaju obrte i male biznise.

11. Prodaja putem društvenih mreža (digitalni marketing, online prodaja)

Na ovoj obuci učesnice se upoznaju sa načinom korištenja društvenih mreža kao jednim od kanala za prodaju proizvoda ili usluga. To uključuje digitalni marketing, izgradnju brenda, ciljanje specifičnih grupa potrošača putem oglasa, promocija i prodaja na online platformama.

12. Pratimo propise – zaštititi svoj biznis od inspeksijskih kazni

Ova tema pokriva važne zakonske aspekte koje poduzetnice moraju pratiti kako bi izbjegli kazne i inspeksijske provjere, uključujući zapošljavanje, sigurnost na radu i druge zakonske obaveze.

13. Finansijska pismenost

Tema uključuje osnovna znanja iz finansija koja su potrebna svakome, poput osnovnih pojmova o prihodima, rashodima, upravljanju novcem, ispunjavanju poreznih prijava, štednje, pripremanje ponuda, fakturisanja itd.

14. Strateško planiranje za poduzetnice

Ovdje se razmatra proces postavljanja dugoročnih ciljeva i strategija koje poduzetnice trebaju usvojiti kako bi postigle uspjeh. To uključuje analizu tržišta, konkurencije, SWOT analizu, kao i razvoj strategija za rast, inovacije i održavanje konkurentne prednosti.

Vremenski okvir

Obuke će se realizovati u periodu od 28.4.2025. do 26.12.2026., na način da se svaka obuka realizuje u više navrata ovisno o interesu. Organizator zadržava pravo da ne realizuje određenu

obuku u slučaju nedovoljnog interesa te će neke teme ponoviti više puta ukoliko bude za istu veći interes (broj prijavljenih). Obuke se održavaju radnim danima i u toku radnog vremena u većini slučajeva.

Opći uslovi

- Državljeni/ke Bosne i Hercegovine;
- Da su stariji od 18 godina.

Način dostavljanja pisma interesa:

Uz **pismo interesa** dostaviti sljedeću dokumentaciju:

- CV kandidata/kinje u kojem su jasno naznačeni iskustvo, reference u obavljanju sličnih poslova i znanje iz tražene tematike, na b/h/s jeziku ili engleskom jeziku.
- Predložena Agenda/e za temu/e na koju se prijavljuje sa kratkim opisom načina realizacije (do 2 stranice)
- Ispunjen obrazac za odabir tema
- Referentna lista realizovanih obuka
- Certifikat trenera ili diploma o završenoj edukaciji koja je komplementarna sa temom na koju se prijavljuje.

Pismo za iskazivanje interesa uz prateću dokumentaciju se dostavlja elektronskim putem e-maila sisther@zenezazene.ba. **Pismo interesa se podnosi isključivo samostalno, te se može odabrati maksimalno 5 tema.** Sve dodatne informacije i upiti se mogu slati isključivo putem navedenog e-maila. Pisma interesa i prateća dokumentacija koja bude nepotpuna ili pristigne nakon isteka roka se neće uzeti u razmatranje. Organizator zadržava pravo da ukoliko bude potrebe kontaktira svakog trenera/icu kako bi provjerili dostavljene informacije, održali telefonski ili Zoom intervju.

Kriterij i način izbora

Kriteriji prilikom odlučivanja su:

- Iskustvo u realizaciji iste ili slične obuke (referentna lista)
- Kvaliteta Agende i koncepta
- Znanje iz navedenih oblasti (akademsko ili neformalno vidljivo u CV-iju)
- Posjedovanje certifikata trenera/ice/diplome

Organizator zadržava pravo da kontaktira samo kandidate/kinje koji uđu u uži izbor.

Rok za prijavu je 17.4.2025. do 15.00 časova.